

升菴太史遺集

卷十九 五十六

太史升菴遺集卷之十九

成都楊慎著

孫金吾宗吾輯

濟南王象乾校

丹陽湯日昭閱

七言絕句

附六言絕句

聯句

集句

鳥吊山遇雨歸驟雨晚晴即事二首

彌陀河邊水霧濃
鶴林寺裡咽昏鐘
行人衝雨趨程
急馬似風檣
繖似蓬

白袷春衫馬上郎
虛傳尺素歇金裝
長干斜路殘陽
裡誰見青梅出短牆

蜀花以狀元紅爲第一
金陵東御圍紫繡毬

爲最

西樓第一紅多葉東苑無雙紫壓枝夢裏東風忙裏
過蒲團藥鼎鬢成絲

送呂曲溪之官呈貢尹

釣璜家世子真官千載清風紹灌壇莫道枳鸞栖百
里滇湖萬頃水雲寬

瑞香花

小屏殘夢暖香中花氣撩人怯曉風繡被堆春胡蝶
散開簾忽見錦薰籠

百日紅

細數梅稍到棟叢一春二十四番風朝開暮落堪惆
悵何似雕闌百日紅

卜居峨眉

峨眉白水舊曾遊六月朱炎似凜秋垂老卜居須此
地典衣先起看山樓

十一月六日松林感懷

可憐生我劬勞日七十從軍泣路窮此際團圓小兒
女也應思念老衰翁

夏日閨詞

冰肌玉骨自清涼姑射仙姿迥異常清簟紗廚塵不

到只疑身在白雲鄉

新裁白苧白如銀珠壓腰
袂穩稱身冰簟銀床肌似
雪有風有月更無塵

紅綃香潤入梅天相伴青
奴夜不眠沉醉檀郎呼不
起簾紋如水帳如烟

茵閣芝亭四面風卷簾人
在水精宮綠芒金粟蓮莖
短截取田田製碧筒

茉莉花開綠水濱沉檀風
味玉精神金荃才子多情
思琢作瑤簪贈美人

象口吹香竹影移綠窻紅
子咲彈碁幽花避日房房

歛競勸瑤池冷玉卮

玉椀冰漿瑪瑙寒
冷淘槐葉勸加餐
休將湯餅何郎試
泥殺金鄉翠黛攢

錦雨初晴月上來
金波穆穆晃樓臺
堦前咲共嬰孩戲
競捉青蟲落古槐

賽香蘭插短金釵
亭下金莎沒繡鞋
細雨輕雷池溜滿
咲聽碧樹呌青龜

蛙吹螢燈鬧夜分
紅綃圍玉靜雷紋
燒殘四和金猊冷
共看金波洗火雲

畫蒲桃

草龍珠帳起涼颼正是仙翁酒渴時雙玉行盤堆馬乳一泓甘露沁詩脾

日觀蒲桃草聖餘枯藤宛似右軍書美人寫入生綃扇水殿涼風颺翠裾

夜涼寶月上金樞笑倚紅姬將虎鬚莫遣河東獅子覺藤掀架倒倩誰扶

馬乳獅頭不並芳朱明元朔異炎涼芬香津液皆堪

賞南北何須較短長

梁使徐君房與元魏使陳昭各言方物君房問昭蒲桃味何如

橘柚荅曰津液奇甚芬香減之君房曰金衣素裹向齒自消良應不及

詠梅二首

秦國條梅句已豪終南紫閣共爭高
宣尼聖筆經題品何必靈均入楚騷

秦風終日有二條之梅

鳩飛鶚止是何年窈窕花神意未然
珠樹青鵞來早

晚故教么鳳探春先

曹風鳴鳩在桑其子在梅陳風墓門有梅有鶚萃止唐宋詩人

詠梅多矣獨遺此何也湯作二首補之

戲炅菴

花駢小市頻上過蘭鵝凝光緩上歸
忘却將軍開幙

府只憐姹女翳宵暉

三友多情三樂盛一年高興一春忙
東籬不是桃源

洞賺得陶潛作阮郎

少岷飲客文昌宮折古花見寄次韻

霞跗玉葉紫檀邊仙萼分枝自錦筵
病起怕看花百媚困來惟愛柳三眠

雨中戲簡西羽

君乘木屐勝尻輪不畏泥塗隔雨闌
肯遇雀羅門巷否賈金華味正清醇

留別陳宗魯李希惠

一別灯前十七年紫芝眉宇兩依然
世間甲子那須記海上壺中別有天

詠妓鞋

金為訶子錦為條珍重多情愛護牢一入檀郎纖手
裏白丁香變紫蒲桃

曲曲瓊鈎無限情不論花貌已傾城南朝天子風流
少不使金蓮掌上行

僧鞋菊

誰將佳卉擬僧鞋秋日尊前數朶開陶人種成應未
見達磨西去又重來

六言絕句

贈摹禹碑周工

今古三千歲月乾坤第一文章愛爾玉毫仿佛為摹

金璫琳瑯

題西湖十景鄒和峯家藏戴文進畫

長堤春色

步步夭桃穠李行行細草平沙莫問西湖風月古來南部烟花

麴院荷風

雲白山青雨霽烟紅露錄風香羅噴新聲別浦咿啞柔櫓橫塘

孤山梅雪

雪花梅花共闌六出五出難分姑射峰頭夜色水出

祠下寒雲

北陌晨犁

耕候杏花菖葉農寶紅芒白秬若無南畝耒耜那有
西湖管弦

南屏晚鐘

莎汀影泊仙槎蒲牢聲震毗沙望裡催圓寶月醉中
敲醒繇華

花港觀魚

在藻魚標金鯽襲芳花號蒞龍玩隊易逢西子劇談
難覓莊蒙

柳浪聞鶯

柳眼麴塵嬌色鶯兒女共仙衣調舌惟聞浴洽藏身
不見飛飛

三潭印月

淨色碧於僧眼淡粧綠似娥鬟玉瀾夜卧一塔金樞
曉畫雙鸞

兩峯插雲

靈山羽似驚鳥吳岫斑如鷓鴣試看兩高嵐靄渾如
裹繡遺圖

吳越王事東坡詩三百年來異人出畫將
錦繡裹山川周益公啓吳山裹繡帳何止
於銷金

巨浸秋波

玄圃樓臺近水醉鄉日月宜秋萬里島舟鷁棹千重
貝闕龍湫

李仁夫默遊園四詠

犀葉仙郎舊品鶴林神女曾遊況是蒼山紅紫何殊
瑤圃風流

右山茶榭

膏露宵臨水碧靈風午戛瓊黃捐佩慵諧鳳律投竿
自坐漁梁

右竹里館

夜月明瓊福地春風香玉洞天仙圃樊桐何在君家
梅花邨邊

右梅花桐

老去丹青曹霸興，來水墨王維金。伏朱炎却扇踈簾，
清簟彈棋。

右綠陰軒

贈陳松峯

知命不慕乎外歸，來樂在其中咲。吸三盃菊露飽聽，
一枕松風。

周儀站贈韓百戶

水曲橫分巳字山，歌漸入川腔。況逢親戚情話坐殘，
街壁星缸。

題周昉瓊枝夜醉圖宮體樂府

八首之一

南苑霏烟澹彩西，官斜月籠華鳳桐。猶擊玉拍羯鼓，

未停寶搗

唐宮中異香有名宜愛者因宮中美人有宜
宵者愛之因名山谷以其名有脂粉氣易名
為意可咄哉此羸將老羝也戲作二詩

散花何妨淨名涪翁未免俗情意可豈勝宜愛不須
節外生枝

青奴升作夫人涪翁朽木生春宜愛若參鼻觀臨爐
合喚真真

范石湖蜀中七品牡丹

單葉御衣黃

舟前鵝羽映酒塞上駝酥截肪春上若與多葉應入
姚家鴈行

水精毬輕盈嫵媚不耐風日又名醉西施又
名風嬌又名玉勝瓊

縹渺醉魂嬌嬈輕素輕紅若非風細日薄只恐
雲銷雪融

壽安紅深色粉紅多葉易種且耐久

豐肌弱骨自喜醉暈粧光捻宜獨立風前雨裏嫣然
不要人醫

疊羅紅開遲旬日始放盡